

## San Pablo Tesalónica vũ'ejoopo pa'inare jo'e chũ'o tocha saosi'ea'me

### *Chũ'o saosi'ea'me*

<sup>1</sup> Chũ'ũ, Pablo, Silvanona'me Timoteo ija'ova utija'ova tocha saome mũsanũkonare Tesalónica vũ'ejoopo pa'inare Jesuni cuasajũ ũcuate'eũjakuanupũ pa'ijũ, mai Ja'kũ Diona'me Maire Paakũ Jesucristo'te ja'me pa'inare. <sup>2</sup> Mai Ja'kũ Diona'me Maire Paakũ Jesucristoji mũsanũkona rekoñoãna re'oja'che pa'iche'te cho'okaijũna re'oja'che pa'ijũ'ũ.

### *Cristo jo'e rairũmũna Dios pãi cu'ache pa'inare ro'iche chũ'ũja'mũ repãna cu'ache cho'osi'e ro'i*

<sup>3</sup> Chũkũna majapãijana, mũsanũkona re'oja'che pa'iche'te cuasajũ Dioni si'arũmũ, "Re'orepãmũ, Ja'kũ", chiiche pa'imũ chũkũna'te. Jã'aja'ñe cho'oto re'omũ, mũsanũkonapi si'arũmũ Repãni na'a rũa masi cuasajũ chekũnani na'a rũa oijũ re'oja'che cho'okaijũ pa'ijũna. <sup>4</sup> Jã'ajekũna chũkũna mũsanũkona Jesure masi cuasajũ pa'iche'te chekũchejãna pa'inani Jesucristo'te cuasakuanupũãre pojojũ kũame. Mũsanũkonapi rũa cu'ache ti'jñecojñonata'ni Repãni ũcua cuasajũ re'oja'che pa'ijũ ñojũna kũame chũkũna. <sup>5</sup> Jã'aja'ñe masi cuasajũ ie masime mai: Pãi pa'iche cuasa ña ũcuarepa chũ'ũkũ'mũ Dios.

Jã'ajekuna musanukonare Repau chiiche'te cho'ojũ cu'ache cho'ocojñonare, "Re'onaa'me ina", chiiũ Ũcuau pa'ichejana saja'mũ Repau.

<sup>6</sup> Dios ũcuarepa chũ'ukujeku maire cu'ache cho'ojũ pa'inare repaña cu'ache cho'osi'e ro'ia'jũ chini sãĩne chũ'uja'mũ. <sup>7</sup> Reparũ Maire Paaku Jesús jo'e rairũ Diopi cho'okakuna mai cu'ache cho'ocojñoñeji si'asouna pani vajũsojanaa'me mai. Jesús Repau neena ángeles rũa masinana'me raijũ toana'me miañe ñoñe raijanaa'me. <sup>8</sup> Rani Dioni cuasacuhejũ Repau Jesús pa'iche kũachũ'ore jachajũ pa'inare vati toana saojã'mũ Repau, repaña jachasi'e ro'i. <sup>9</sup> Vati toa Dios Peore Masiũji Re'oku peochejajeku re'oja'chejẽ'e peochejare ai saocojñosina si'arũũ uujũ pa'ijanaa'me. <sup>10</sup> Repau jo'e raiumucuse Jesús, Repau'te cuasanani Repau neenani pojocojñora chini re'oja'che ñou raija'mũ. Musanukona ũcuachi'a chũkuna chũ'vachũ'o asa chẽa cuasanajejũ Repau'te ja'me pojोजनाa'me reparũũ.

<sup>11</sup> Jã'ajekuna musanukonare mai Cuasaku'te Diore si'arũũ sẽekaijũ pa'inaa'me chũkuna, musanukonani Repau chẽa paanani ña, "Re'onaa'me ina", chiiũ re'oja'chere ísia'kũ chini. Ũcuachi'a Repau masicheji cho'okaiuna musanukona re'oja'che cho'oũũ chiiche'te peore cho'ojũ paapũ chini sẽekainaa'me chũkuna. Ũcuachi'a Jesuni cuasajũ re'oja'che cho'omasia'jũ chini sẽekainaa'me chũkuna. <sup>12</sup> Musanukonapi jã'aja'ñe re'oja'che pa'ito Jesús Maire Paaku jainukore pãĩ pojocojñoja'mũ.

Ūcuachi'a Repauji mai Cuasakuji Diopi Maire Paaku Jesucristona'me oiju cho'okaijuna musanukonari rua re'oja'che cho'o ñojuna pojoja'mu Repau musanukonare.

## 2

### *Maire Paaku jo'e raijachere kwamu*

<sup>1-2</sup> Chukuna majapãijana, chura Maire Paaku Jesucristo jo'e rani maina'me pa'ijachere kwamu chu'u. Jã'ajekuna musanukonare pãipi tĩñe che'choju, "Maire Paaku jo'e ranicuhasi'kua'mu", chiito kukuma'ñe jachajũ'u repanare, chiimu chu'u. Chekurumu repana Dios chu'o kuanaja'ñe i'kaju jã'apãani chu'ore ra kujaju jã'apãani utija'ovana chu'o tocha sao, "Pablo tochasi'ea'me ie", chiiju jorejanaa'me repana. <sup>3</sup> Pãi musanukonare jã'aja'ñe jorejaju i'kache jmamakarujẽ'e asamanejũ'u. Jesucristo jo'e rairumu ija'che pa'ija'mu: Pãi jainuko Dioni jachaju cu'ache cho'ojaju pa'irumuna pãi chũ'uku te'e'u Cristo'te rua cuhekujaji charo raija'mu, cu'acheja ai saocojñojau. Repau raisirumuna Jesucristo na'a cho'jepi jo'e raija'mu. <sup>4</sup> Repau charo raijau Diore rua cuhekujeku, repauchi'a pojocojñora chini Diore cuasanare ũcuanukore cuasaũseku cavaku pãi ñajute Dios vu'e ujavu'ena kaka ruu, "Diorepau'mu chu'u", chiija'mu.

<sup>5</sup> Chu'u musanukonare ja'me pa'irumu ũcuare kuasi'kua'mu. ¿Jã'a cuasama'ñe musanukona? <sup>6</sup> Repau Cristo'te cuheku Diopi ũsekuna chuta'a raima'mu. Repau Dios

ũsemarumuna raija'mu Cristo'te cuheku. Chura jā'a masime musanukona. <sup>7</sup> Vati ai irumu rope'e chũ'uku pa'imu pāipi Dios chiiche'te cuheju cho'omaneajũ chini. Jā'ata'ni Diopi ũsekuna repau cho'ora chiiche peore cho'ocu'amu. Dios Repau'te ũseamarumujatũ'ka vati cho'оче ũseku pa'ija'mu. <sup>8</sup> Dios ũsemarumupi vna pāiu vati ai neekujeku Cristo'te cuhekuji rna si'ache cho'o ñoja'mu. Jā'ata'ni Maire Paaku Jesús re'ojache ñou rani repau cho'оче'te ũseku i'kachechi'api vanisoja'mu repau'te. <sup>9</sup> Repau Maire Paaku chuta'a raimarumu repau cu'ache pa'iku rani vati aipi cho'okaiuna rna masiku Jesús saocojñosina cho'очеja'che pāijē'e cho'ovesuche'te si'ache joreku cho'oja'mu. <sup>10</sup> Ūcuachi'a pāi vati toa saina repau joreku si'ache cu'ache cho'оче cuasajanaa'me, ũcuauñi chini. Dios chũ'o ũcuarepare asacuheju Jesure jovomanesinajeju vati toana sani cho'osojanaa'me repana. <sup>11</sup> Jā'ajekuna Dios repanare Repau chũ'o asa chēañe ũsemu jorechũ'ore cuasaa'ju chini. <sup>12</sup> Jā'aja'ñe pa'iju repana cu'ache cho'oneeñe'te jo'kasocuheju Repau chũ'o ũcuarepare asacuhesinajeju ũcuauñko vati toana sani cho'osojanaa'me repana, cu'ache cho'osi'e ro'i.

*Repau'na'me re'ojache paapu chini Dios chēacojñosina pa'iche'te kuamu*

<sup>13</sup> Chukunata'ni musanukona re'ojache pa'iche'te cuasajuna Dion si'arumu, "Re'orepamu, Ja'ku", chiiche pa'imu. Dios musanukonare Ūcuau Rekochoji

cho'okaiuna Jesuni cuasaju jovosina Repau neenajeju Ūcuana'me ai re'oja'che paapu chini chēaasomu, Repau chuta'a chejajē'e cho'omarumuna. <sup>14</sup> Musanukonapi chukuna chu'vachu'ore Jesucristo'te cuasache kuachu'ore asa chēa Repauni cuasaju jovo Maire Paaku Jesucristo pa'ichejare ai sani pa'iju Ūcuau pa'icheja'che re'oja'che paapu chini chēaasomu.

<sup>15</sup> Jā'ajekuna, chukuna majarpāijana, musanukona Jesure cuasache ūhasoma'ne cuasaju chukuna sani chu'vasi'ena'me utija'opi tocha saojū che'chosi'e cavesuma'ne cuasaju pa'ijū'u.

<sup>16</sup> Repau Maire Paaku Jesucristo mai Ja'ku Diona'me oiū cuhama'ne re'oja'che cho'okaiū pa'iku'mu, maipi pojojū pa'iju re'ojarekoñoā paaajū chini. Ūcuachi'a maire Repau pa'icheja sani re'oja'che pa'ijache jo'kasi'kuamū, maipi repare cuasaju pojojū cha'aju paapu chini. <sup>17</sup> Ūcuauji musanukona rekoñoāna cho'okaaū re'oja'che cho'o koka paaju pojojū i'kaju re'oja'chechi'a cho'ojū paapu chini.

### 3

#### *Dioni sēekaapu chini Pablo i'kasi'ere kumatū*

<sup>1</sup> Chukuna majarpāijana, Diore sēekaijū'u, chukuna chu'vachu'ore pāipi ūcuauachejña pa'inapi na'mi asa chēa musanukona cho'osi'aja'che pojojū Jesuni cuasaju jovoa'ju.

<sup>2</sup> Ūcuachi'a pāi cu'ache cho'onapi chukunani cu'ache cho'omanea'ju chiiju sēekaijū'u chukuna'te. Pāi ūcuarepanuko Diore cuasanachi'ama'me.

<sup>3</sup> Jā'ata'ni Maire Paaku

ũcuarepa cho'okujekũ vati ai mũsanũkonare cu'ache cho'oche ãseku cho'okaija'mũ re'oja'che cho'o koka paaa'jũ chini. <sup>4</sup> Ija'che cuasajũ pa'ime chũkũna: "Mai repanapi cho'oa'jũ chini chũ'ũ jo'kasi'e Maire Paakũji cho'okaiũna irũmũ cho'oju pa'icosome repana. Ũcuachi'a na'a pa'isirũmũ cuhama'ñe ũcua cho'oju pa'ijacosome", chiiju cuasame chũkũna mũsanũkonare. <sup>5</sup> Maire Paakũ Jesucristoji cho'okaaũ mũsanũkonare, Repaũ pa'icheja'che re'oja'che pa'imasijũ cu'ache ti'jñetojẽ'e koka paa'jũ Repaũni cuhasoma'ñe ũcua cuasajũ Dios pãĩ ña oicheja'che sãĩñechi'a oiju re'oja'che cho'okaiju paapũ chini.

*Ñamema'ñe cho'oche cho'oju pa'iche'te kũamũ*

<sup>6</sup> Asarepajũ'ũ, chũkũna majapãijana. Maire Paakũ Jesucristoji chũ'ũkũna mũsanũkonare ija'che chũ'ũ jo'kame chũkũna: Mai majapãija'iaũ ũcuauakujĩ ñamekũ cho'oche cho'ocuhekujĩ chũkũna che'chosi'e jachakũ cho'oma'kũre ja'me pa'imanejũ'ũ. <sup>7</sup> Chũkũna mũsanũkonare ja'me pa'irũmũ cho'oju pa'isi'eja'che cho'oma'to cu'amũ. Jã'a masime mũsanũkona. Reparũmũ ñamema'ñe cho'oche cho'oju pa'isinaa'me chũkũna. Mũsanũkonare ũcuaja'che chũkũna cho'osi'eja'che cho'oju pa'iche chiimũ. <sup>8</sup> Reparũmũ chũkũna, ãu chekũna nee ro'ima'ñe ãimanesinaa'me. Jã'aja'ñe cho'oma'ñe mũsanũkonani te'eũ'terejẽ'e karache'te cho'ocuheju umucujñana'me

ñami cho'oché cho'ojü pa'isinaa'me chükuna.  
 9 Jã'ata'ni chükunapi musanukonani,  
 “Kuirajũ'ü chükuna'te”, chiiü sēni cu'are  
 cho'omanera'asinaa'me. Ūcua musanukonapi  
 chükuna pa'iche'te ña chēa ūcuaja'che cho'ojü  
 paarü chini ñamema'ñe cho'oché'te cho'ojü  
 chükuna'te kuiraa'jü chini sēmanesinaa'me.  
 10 Reparumüpi vüa ija'che chũ'ujü pa'inaa'me  
 chükuna: “Pãiu ñamekü cho'oché cho'ocuhekü  
 ãu ãimanea'kü”, chiinaa'me chükuna.

11 Musanukona pa'iche ija'che asajü pa'ime  
 chükuna: Musanukona te'ena cho'oché  
 jmamakarujē'e cho'oma'ñe rupü pa'ijü ku'ijü  
 cheküna pa'iche'te ña cutujü pa'ijüasome.

12 Jã'aja'ñe pa'inare Maire Paakü Jesucristo  
 neenajejuna re'oja'che pa'ijü cho'oché'te  
 ñamema'ñe cho'ojü repanare karache'te koo  
 paaa'jü chini chũ'una'a'me chükuna.

13 Chükuna majapãijana, musanukona  
 re'oja'che cho'oché jmamakarujē'e cho'o  
 ca'nasomanejũ'ü. 14 Ija'ova utija'ova chükuna  
 chũ'ujü tocha saoché'te ūcuauanapi ña jachato  
 repaña pa'iche'te ña masi ja'me pa'imanejũ'ü,  
 kukuso re'oja'che paarü. 15 Jã'ata'ni repanare  
 cuhemanejũ'ü. Musanukona majapãijanare  
 pe'kerü i'kajü chu'vajũ'ü, repanare ūcuamakarü  
 jã'aja'ñe cho'oa'jü chini.

*“Diopi re'oja'che cho'okaaü”, chiiü chü'o  
 saosi'ea'me*

16 Maire Paakü, re'oja'che pa'iche ïsi  
 Ai, Ūcuauji ja'me pa'iu re'oja'che pa'iche

si'ache rekoñoña si'arumũ cho'okaiũ paau  
mũsanũkonare.

<sup>17</sup> Chu'ũ Pablo, inũkorũ chu'o saochечи'a  
chu'urepaũji tohamũ. Utija'o chu'ũ tocha  
saoja'o si'aja'oruã ija'chechi'a tochakũ'mũ chu'ũ.  
Ijamajña tochakũ'mũ chu'ũ. <sup>18</sup> Maire Paakũ Je-  
sucristoji mũsanũkonare ũcuanũkore re'oja'che  
cho'okaau. Re'omũ.

Pablo



**Dios Chu'o Kuaphuro**  
**Koreguaje: Dios Chu'o Kuaphuro New Testament**  
copyright © 2009 Wycliffe Bible Translators, Inc.

Language: Koreguaje

Contributor: Wycliffe Bible Translators, Inc.

All rights reserved.

2020-11-18

---

PDF generated using Haiola and XeLaTeX on 21 Feb 2024 from source  
files dated 29 Jan 2022  
87a345ac-83c6-51ad-8750-17a703f38bcc